



3

Аль-Исраъ валь-МигІрадж



4

Зикру бирнила хасдешуни



7

Ца гежба азир адамлис



НА ДАРГИНСКОМ ЯЗЫКЕ

РУХІЛА ВА БАГЪУДИ ТІИТІБИРНИЛА ШАЙЧИБСИ ГАЗЕТА

Хіяббузри

Ражаб баз

АхІерти узби ва рузби, дурхъати хіяббузри – Ражаб, ШягІбан ва Рабазан дехІдирхъниличил бархбасхъи хІуша мубаракдирулрая! Аллағълис деза биаб, Жумадулахир базлис гІелабад нушаб Ражаб баз савгъатбарнилис. Дурхъати хіяббузразибад цаибил саби Ражаб баз (Ражаб, ШягІбан ва Рабазан). Илди бузразиб Аллағъли гІяхІти баркъуддумас ва гІибадатлис лугуси шабагъат бахъналис

Ражаб базлизиб шабагъат (гІяхІдешунас шабагъат ва бунагъунас жазатъ) бахъналис имцІабируси саби. Ражаб баз – чябхъинтира дургъбира къадагъадарибси баз саби. Ил базла у бетаурси саби «зулмурти дирнилизібад гІелумбизес – сабур бирес» ибти дугъбазибад.

Ишди авалра бузри къадагъадарибти бузри сари: Ражаб, Зул-къаада, Зул-хІиджа, МухІяррам, сенахІенну илди бузразир

Лайикъсиличи, гІяхІсиличи, пайдагачебсиличи гъуцІти

ХІурматла шайх СағІид-афанди аль-ЧиркІави ЧиркІейлизиб бетерхурси мавлидличив гъайухъни.

Дахъал секІайчила гъайвикІес вирар, амма лерил секІайчила мурхъли, таманси кагібдешличил бурес мажахІят виэс. Масала, ишгъунара биэс бирар-адамли ишди гІямрулизивад арукъес багъандан сунес сунени дис калтІули сай яра тапанчализібад къаяйкбирули сай. Сунени сай вяхъили гІергъи илала тавбу дарес замана кавлули саби ва сунени барибси бунагъличивад Аллағъ чевурхули сай, эгер сай бетаурсиличив пашманвиубли, тавба даралли. Нуни ца жузлизіб белчІунра, гъанбиркули ахІен чидил жуз сабрил, сунезивад сай вебкІибси адамлис жаназала дехІбала дарес асухІебируси саби или. Илгъуна къадагъа бирули саби ил адам дин агарли (бирхауди агарли) капурли вебкІни багъандан, вебкІибси бусурман адамлисІкІун жана-



зала дехІбала дирути сари. ЧевяхІкахъили (сунени сай гІяндвикибсила биалли тавбулис замана (имкан) калули ахІен. Чуни саби баргудути адамтира илдигъунти саби. Гъалжана къалли чина чебаэса илдани, Гъалжана-

ла тІемалра хІекъян илдас. Дирхаирая! Илдани адамти цІакъли биргІябиргули саби. Ишабра буриливан илдани урхІла дурхІнира рурсбира хІядурбарили Гъалжанализи бурхъулира или кабизурли саби.

» 3



имцІабарили лугуси саби ва уркІи-уркІилабад пашманбиубтала бунагъуначивад чевурхуси Сай. Иличибли бусурмантас Къиямала БархІи чула баркъуддумала умцантти гІяхІдешунала шайчи декІдиахъес, дитІаІахъес имкан лябкъули саби. Аллағъла ил нушаб лугуси уркѐци пайдалахІебарни, хІисаблизи кахІесни бусурманничи дебали балхІебикибси ва убяхІси гІякълуагардеш саби.

Идбагла хІядисуназибад цализіб бурули саби: «Эгер бекІалис гъалаб ряхІятдеш, талихІла ахир (Имманичилси бекІа) ва шайтІаннизибад берцуди дигутани – илди бузрала хІурмат биреная, дубдурцули ва бунагъуначирад пашмандирули».

Ражаб базла цаибил бархІи ишдус июньна 13-личи лябкъули саби.

Ражаб базла дурхъадеш

Аллағъли дургъби, чябхъинти ва илдигъунти цархІилти къадагъадарибтихІели.

«Ражаб» ибси девлизир хІябал хІярп сари (гІярабла алфавитлизир абхъибти хІурпри агарти сари): «р» - «ряхІмат» ибси иргъахъуси (Аллағъла уркѐци); «дж» – джурмул-гІабди» (Аллағъла лугърала бунагъуни), «б» - «бирру лагъи тагІала» (ЧевяхІси Аллағъла гІяхІдеш), Аллағъ викІули сай: «Я Дила лугъри, Нуни хІушала бунагъуни Дила Уркѐцила ва Дила ГІяхІдешла урга дебадаресли барра».

Дахъал гІяхІдешуни дарес гІяхІси баз саби Ражаб баз. Аллағълира нушани чебиуливан, сахавагли Сунела уркѐци гъарилличи чебитиахъуси дурхъаси баз саби. Ил багъандан нушачи чебиркур Аллағълис тІягІят бирнила къайдурти, бусурман адамла чеблуми гІяхІил дяркъес, бусурман адамличи лайикъли гІямру деркІес.

» 2

Нуша бархъси гъуникад дикаба!

Владислав Сохин
Португалия
Цаибил бутІа
Кения

2006-ибил дусла январь баз ну Кенияла тахшагъар Найроби бикІуси шагъарлизи христиантала международная конференцияличи живарира «SYNDES MOS» – бикІуси лебилдунъяла православный жагъилтала братстволи организоватьбарибси. Ит замана ну православиела динна кълукъчи сайри ва Урусунала Православиела Церковья Московский Патриархатла Курскла епархияла Жагъилтала отделлис бекІдеш дирусири.

Чумал бархІи нуша мягІничерти масъултачила гъайдикІули калунра, сарира жагъилти адамтачи къячдилкути. Ахирра ахир конференция таманбиуб ва лебил бутІакъянчиби чула хъули арбашес бехІбихъиб. Россиялизи дила билет вецІал бархІилис гІергъицун сабри лебси, ил багъандан нуни дила калунси замана Кения ва Танзаниякад къунзвикІули беркІес къасбарира, адамтачил гъайвикІули ва динани руркъули, сарира Африкализир дейгІес хІейэсти къадарличи адикибти.

Ишаб чихъали-дигара цугбикес бирар: я сикхуни-индияла штат Пенджаблизібадти, я кришнаитунни, я «Иеговла бикъруми». Амма Африкализир бегІлара тІинтІдиубти, машгъурти динани Ислам ва Христианство сари.

ИтхІели нуни чумал дус динани руркъули калунсири. Динна белчІудила заведениябазив учІули калунра, религиоведениеличила жузали учІаси, динани ургарти конференциябачир бутІакъяндеш дираси. Пурра чумал дус гъалар иргъес кайира Христианстволизиб се сабал хІебурили калунси лебниличила... Амма се сабри ил? Ил багъандан ну сагадан жузази мурхъвиркаси, цархІилти динанала вакилтачил гъайвикІес гъуцІли вираси, пикривикІаси, жаликІаси, улгаси...

Цаибил азан

Наб гъанбиркур Африкализіб беркІибси цаибил дуги ну мижитлабад бикъуси азанна тІамали – дехІбайчи букъяхъес жибируси, чеваргъахъили. Улкъайлабад хІерхІибхІели цІяблири. Байхъала сягІятлис гІергъи храмлизі укъес гІягІнисири наб – епископли сунечил барх литургия белчІахъес живарибсири. Амма гІяраб мезла, нуни гъалар хІедакъибти дугъбачи лехІахъибхІели, ну усаэс хІейубра. Къалабали палтарла вегІиубра ва хъуливад дуравхъунра цІябси шагъарлизи.

«Ашгъаду алля илагъа илла лагъ. Ашгъаду анна МухІаммадин Расулуллагъ! Аллағъу акбар!» – или муэдзинна бучІуси тІама бикъули саби. Ванали кабухъунси дягІ, кІапІрала вяшаръала, хъулрала цІябти къаралдлуми. Рах-рахли бусурманни къаршибиркули саби гІянручІла дехІбайчи къалабабикІути.

» 6

Хияббузри

1 « Ражаб баз дубурци гяхъси саби. Лебил баз дубуцес хейруси базла цаибил, вецну шураибил ва гьегъити бурхназивалра дубуцаб. Хиядислизиб бурули саби: «Хьуммартидая, Ражаб – Аллагъла баз саби; Ражаб базлизиб чили ца бархъи дуббуцалра, Чевяхъси Аллагъ иличив разили вирап.

Ражаб базла цаибил хамис бархъира дубуци дурхъаси саби. Цаибил жумягъ дугира гьибдатлизиб беркни дебали дурхъаси саби. Ил дугилис Лайлатул-Рагъаиб или биклар.

Ражаб базла 27-ибил дуги тамашала гьиламатла анцбукъ кабикибсири – нушала Идбаг Чевяхъси Кьудратла Вегили Гьаршлич ахъуцибсири – аль-Исрагъ валь-Мигъраж.

Ражаб базла 27-эсил бархъира дубуци дебали дурхъаси саби.

Хиядислизиб бурули саби: "Аргъая, Ражаб баз Аллагъла баз саби. Ил базла цаибил дуги гьибдатлизиб беркнибсила, илала чарх бекнибхелира урки хебубклар, Чевяхъси Кьудратла Вегили илала беклизирагъ гьихидешуни картгу ва сай нешли варкнибхеливан бунагъуназивад умукайрар. Илхели ил адам, чучи жагъаннаб херти 70 азир бунагъкарлис шафагъятли визе вирап».

Рагъаибла дуги

Ражаб базла цаибил жумягъ дуги Мухаммад Идбагла бегъи хъайчикиби-итири, ил дугилис Рагъаибла дуги биклар.

«Рагъаиб» ибси девла мягъна гьираб мезличибад шурбаталли – Аллагъ чевверхни, Сунела лугърачи Аллагъли халаси уркеци бирни, балга-дугъа къабулдирни ибси саби.

Ил дугилизир дигъанти дахъал гьихидешуни лер. Ил дуги гьибдатлизиб беркнибсил – дебали дурхъали ва пайдала-челби бирар.

Рагъаибла дуги Аллагълизи вегили дарибти бунагъуначивад чевверхъес тиладивиклули, уркалунти дехибулта черихъули, садакъа бирули, балга-дугъализиб беркни дурхъаси саби.

Рагъаибла дуги уркила мурад бартаахъес дирути дехибалара лерти сари. Илди марклагъила ва хъатила дехибала урга-би замана дирути сари. Илди дехибала 12 ракагъятла сари. Кикел ракагъятунала дирули урегдех дехибала диру.

Лерилра дехибултазир, гьарил алхямлис гьегъи хияйна-хияйна «аль-Къадр» (97-эсил сура) ва вецну кирайна кьулгъура дуча.

Вецну кира ракагъятла дехибала дарили тамандиубхели, 70-на иш балга буча: «Аллагъумма ссалли гьяла сайидина Мухаммадин – набиййил умиййи ва гьяла алигъи».

Пур суждаличи кайкили 70-йна «Суббухун кьуддусун рабуль малаикати ва ррух» иру. Пур суждаличивад ахъиубли, кьукъубачи кайили 70-йна «Раббигъфир вархям ва тажаваз гьяма тагъламу Иннака антал – агъазул акрам».

Пур суждаличи кайкили, гьалав суждаличи кайкибхелигъуна балга 70-на тикрар-барес.

Пур киесил суждалис гьегъи ахъиубли, сунела мурад се сабил тиладибирули, Аллагълизи балга барес.

Иншааллагъ, ил балга къабулбиру.

Ислам балнилизир абзани

Северный Кавказла Сайтбег Даитов гьаниркахъули барибси жагъти гьялимтала VIII-ибил конкурсла итогъуни каили сари. Исламли багъуддумачи, образование-лици халаси пикри бяхъичеули саби. Илала дурабад, багъуддуми кайсни – ил бусурман адамла чеблара саби. Алхямдулиллагъ, нушала замана исламла гьилмурти дяркъес дахъал имканти лер. Гьаннала Дагъисталира чула дудешунала дин руркънила шалати гьихъти гьядатуни даимдарили сари. Гьанна мадрасабачи ва мактабтачи черяхъти белчудила заведениебира чеимцадиубли сари. Дуслис дус илди вузанала выпускникуни имцабиклули саби, чунира чула ватанлантас ва цархилитас халаси пайда лебхути. Илди белчудила заведениебала выпускникунала качестволашлси бухнабуца гьихъла шайчи барсбирули саби. Балуливан, Дагъистайзир деклар-декларти конкурсуни дурадуркули дирар илди заведениебазиб бучанти ургар. Илдигъунти далдуцуна мутагъиллимтала белчудиличи гьира, иштяхъ гьатгъира имцадирули дирар. Илди далдуцуни ургаб бегълара къадричебси саби Северный Кавказла жагъти гьялимтала Сайтбег Даитов гьаниркахънилис багъишлабарибси конкурс. Ишдус ил гехънара сера дураберкниб. Хасавюртлизиб дурабуркули ил конкурсличила нушала республикала дурабра балуси саби, иличи мешули конкурсла бутлакъянчибала географияра багъесли бягъубиклули саби.

Пергъити чумал дус ил машгъурси конкурс северо-кавказскийлизи халбарибсири ва гьядатли биубливан май базлизиб дурабуркули саби. Бара гьалабван жагъил гьялимти Хасавюртлизиб гехънайсил абзичи цалабикиб, саби ургаб дехибала дирнилизиб, Кьуръан балнилизиб ва исламла гьилму балнилизиб цакъти белгибарес багъандан.

Жагъилти гьялимтала гехъибил конкурсла гьилмула номинациялизиб (беклибису номинация) ишдус чедикиб Ашарила уличилси Исламский институтла (Хасавюрт) выпускник Шамил Абубакаров.



Ил номинациялизиб киебил мер буциб Аскер Хиябибулаевли (Сайтбег Даитовла уличилси Исламский университет, Хасавюрт), хиягъибил мер бикиб Шамил Темирбулатовлис (Дагъиста исламский университет, Мяхъякъвала).

Хифзла номинациялизиб цаибил мер буциб Мяхъяммад Мяхъяммадовли (мадраса, Лавашала ши), киебил мер – Жабрагъил Гьазимяхъяммадовли (мадраса, Лавашала ши), хиягъибил – Хиясан Даудов (Абубакаровла уличилси Институт, Хасавюрт).

Дехибала номинациялизиб цаибил мер буциб Мяхъяммад Мяхъяммадовли (Кироваул шила мадраса) (Кьурамухъяммад-хияжи Рамазановла уличилси мадраса, Мяхъякъвала), хиягъибил – Мяхъяммад Мяхъяммадовли (Глохла ши).

www.Islamdag.ru

Мижитунала имамтачи дугъабиз

Дагъиста бусурмантала Динна Идарала кьанунтала отдел Дагъистан республикала лерил мижитунала имамтачи мижитунализиб жумягъла дехибайзиб ва лерил паризала дехибултазиб «Кьунут» («Магъдина») бучлахъес ибси тиладиличил дугъабилзули саби, Чевяхъси Аллагъли лебил бусурманти, хаслира нушала Дагъистан, лерил балагъуназибад ва пунтаназибад, сарира гьегъиса замана имцадиубти, мяхъкамбарахъес (бихъяхъес) багъандан!

Балагъуни ва цархилти пунтани челяркъуси замана «Кьунут» дугъа бучлахъес пайдалабирниличила ва ил бучлахъес асубирахъути гьялимтала пикруми фикгъгила дархъти жузи сабабли детаур. Масала, имам ан-Нававила «аль-Минхадж» Ибну Хияжарла «тухфатуль-мухтадж», ар-Рамалила «нихаятуль-мухтадж» ва дахъал цархилти жузани иличила бурули саби. Дигутани илди жузани херкааб ва «кьунут» бучнила пайдаличила буриси раздел белчаб.

Нушани «Кьунут» гьегъиса тяхъарли бучлахъес маслигътибурула, сенкун ил гьихъли балбиркули саби бусурманти балагъуни, пунтберхнилизибад берцахъес. Аллагъли лебил бусурмантала балга-дугъа къабулдараб! Ва лебил бусурманти хаслира нушала Дагъистан лерил балагъуназибад, гьегъиса замана сунечи дакибти, берцахъаб! Амин!

ДУМД-ла кьанунтала отдел

اللَّهُمَّ اهْدِنِي « اِهْدِنَا » فِيمَنْ هَادَيْتَ ، وَعَافِنِي « عَافِنَا » فِيمَنْ عَافَيْتَ ، وَتَوَلَّنِي « تَوَلَّنَا » فِيمَنْ تَوَلَّيْتَ ، وَبَارِكْ لِي « لَنَا » فِيمَا أَعْطَيْتَ ، وَفِي « قِنَا » بِرَحْمَتِكَ شَرًّا مَا قَضَيْتَ ، فَإِنَّكَ تَقْضِي وَلَا يُقْضَى عَلَيْكَ ، وَإِنَّهُ لَا يَدُلُّ مَنْ وَالَيْتَ ، وَلَا يَعِزُّ مَنْ عَادَيْتَ ، تَبَارَكْتَ رَبَّنَا وَتَعَالَيْتَ ، فَالْحَمْدُ عَلَى مَا قَضَيْتَ ، أَسْتَغْفِرُكَ وَأَتُوبُ « نَسْتَغْفِرُكَ وَتَتُوبُ » إِلَيْكَ ، اللَّهُمَّ كَفِّ عَنَّا شَرًّا مَنْ يُرِيدُ بِنَا سُوءًا فَإِنَّكَ أَشَدُّ بَأْسًا وَأَشَدُّ تَنْكِيلًا ، اللَّهُمَّ إِنَّا نَسْأَلُكَ الْإِسْتِقَامَةَ مَعَ التَّوْفِيقِ وَحُسْنَ الْخَاتِمَةِ ، اللَّهُمَّ اكْشِفْ عَنَّا مِنَ الْبَلَاءِ مَا لَا يَكْشِفُهُ غَيْرُكَ ، اللَّهُمَّ إِنَّا نَعُوذُ بِكَ مِنَ الْمَكْرِ وَالْإِسْتِدْرَاجِ مِنْ حَيْثُ لَا نَشْعُرُ فِي سَاعَةٍ مِنْ لَيْلٍ أَوْ نَهَارٍ بِرَحْمَتِكَ يَا أَرْحَمَ الرَّاحِمِينَ ، اللَّهُمَّ احْفَظْ بِلَادَ الْمُسْلِمِينَ وَدَاعِغِ اسْتَانَ خَاصَّةً ، مِنْ جَمِيعِ الْمَصَائِبِ وَالْآفَاتِ وَالْبَلِيَّاتِ بِرَحْمَتِكَ يَا أَرْحَمَ الرَّاحِمِينَ ، اللَّهُمَّ اضْرِبْ بَعْضَ الظَّالِمِينَ بِالظَّالِمِينَ وَأَخْرِجْنَا مِنْ بَيْنِهِمْ سَالِمِينَ ، وَصَلَّى اللهُ تَعَالَى وَسَلَّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ ، رَبِّ « رَبَّنَا » اغْفِرْ وَارْحَمْ وَأَنْتَ خَيْرُ الرَّاحِمِينَ ، آمِينَ

| | | | | |
|---|--|---|---|---|
| <p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ</p> | <p>Редактор Асхаб ДЖАРБАЕВ</p> <p>Канонический редактор Мухаммад ДАВУДОВ</p> <p>Корректор-стилист Патимат СУЛЕЙМАНОВА</p> <p>Ответственный секретарь Ахмед МАГОМЕДОВ</p> <p>Дизайн, вёрстка Лейла ГУСЕЙНОВА</p> | <p>Набор Гульнара АБДУЛАЕВА</p> <p>Менеджер Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> | <p>Свидетельство о регистрации ПИ № ФС 77-37006 от 29 июля 2009 г. При перепечатке ссылка обязательна.</p> <p>Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.</p> <p>Заказ № _____</p> <p>Сдано в печать 15 июня 2010 г.</p> | <p>Тираж 4.000 экз.</p> <p>Адрес редакции 367015, РД, г. Махачкала, ул. Азиза Алиева, 2.</p> <p>По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.</p> <p>E-mail: assalamweb@gmail.com; www.assalam.ru</p> |
|---|--|---|---|---|

Лайкъсилчи, гІяхІсилчи, пайдалачебсилчи гъуцІти

1 « Саби сен хІякьути ила, или биалли? Илдас Гъалжана хІейгулив гъари? Илдани нушачиб-ра гІяхІли балули саби саби ила хІекниличила, амма иддигъунта бирули саби, мурхъли чеббалкІни багъандан.

БегІлара разиси бархІи

Жагъилти адамтала гІямрулизир разити бурхІни дирар. Масала, дурхІа акІалли, шадлихъ дурабуркІу. Гъалаб держли бужули дурабуркІули бири, гъанна биалли, Аллагълис деза биаб, мавлид барниличил. Жагъси адам институтла керхалли, илис ил бархІи разиси бирар, институт таманааллира разиси саби. Амма илди разити минутуни нушала гІямрулизир бусягІят тамандирули дирар ва илдазибад льякъуси пайдара камли бирар. Пергъиса замана тІарикъатлизи кеберхес дигутала бахъдешли, цацахІели лебтасал-ра субхІянти ва тІарикъатла барахъес хъарбариса хІянчи секъяйда бирусил гІеббуруги кІари хІедиули дирар. Аллагълис деза биаб, адамти чяхІзаб къяйдали тІарикъатлизи башули саби, илдазибад бахъалгъунти – жагъил адамти саби. Ил бархІиличил цугбуцибхІели, гъаларла бурхІназибси разидеш илдас селра ахІен. Шазалила тІарикъатлизи керхурси ва ил бузахъес ихтияр касибси бархІиличиб гІур разиси бархІи агара. Ил бегІлара халаси разидешла бархІи саби, сенкІун адам бархъси гъуйчи кайзурли сай. Иличиб гІяхІси бархІи бирару гъатІи?

Ну ишгъуна анцІбукъиличил къаршиикира, хІушара дикиб дургудая. ТІарикъатлизи керхайчи нуни чеасира гъар бархІи даршна «ла илагъа илла ллагъ» яра 100 къулгъу «аль-Ихлас»

дучІес или, амма дила селра бетхІеур. Барес или алавулхъаси, гІур бархъбал-таси. Калунти дехІибала булан черахъес вирули ахІенри. хІерела ва дакъа авал ракагІятла дехІибайс гІергъи



черихъути дехІибала дарес наб къиян-си хІянчи къяйдали кабилзулри. Амма тІарикъатлизи керхурхІели гъар секІал дарсдиуб. ХІушанира хІясиббарили дургудая тІарикъатлизи кедерхайчи хІуша сегъунтирил ва гІур секъяйда дарсдиубраял. Камсилра баракат касибсини, ил секІал чебиу.

ТІарикъатла гІяхІси даража

Шазалила тІарикъатла лерил гІяхІдешуначила бурес нушала ахъ-

ла хІерудилиуб белчІунси ца зикру вегІлицун бариса даршал зикрулича абиркуси саби. Иличила нуни устад-ла мухІлилабад бакъира. Сен илкъяй-да бирусив? СенахІену цаибилгъуна, зикрулича бурсибирни набчибад ахІенну, Идбагличивад ❁ льякъули саби, илис гІергъи тІарикъатла лебил устазунала силсила (рахаж, къяй) льякъули саби. Цаибилгъуна ахъси даража ил саби. КІиибилгъуна, муриду-нани ирули саби: «Астагъфируллагъа лязи ла илагъа илла гъувал хІайяль къайюма ва атубу илайгъи», ХІайуль ва Къаюм – илди Аллагъла уми сари. Бахъалгъунти гІялимти бикІули саби илди Исмуллагъил агІзам – Аллагъла черяхІти уми сари или. Гъачам белчІунси ил балга даршна «Астагъфируллагъ» ибниличиб ахъбирули саби, сунезир Аллагъла уми лерни багъандан. ХІягъибил гІяхІси даража: Идбагли ❁ иб: «Аллагълис бегІлара дигуси гІибадат, ил мурталра бирусил гІибадат саби, ил сецад биштІаси биалра». Масала, ишбархІи акъуси замана биалли, Къуръанна 2-3 жуз делчІи, дехІибулти дарили ва ц., замана хІебиалли, илгъуна гІибадат хІебирули саби. Илкъяйда бирули саби тІарикъатлизиб ахІентани ил секІал нушанира чебиулра. Нуша тІарикъатлизи кедерхурхІели, нушани нушаб хъардарибти балгни дарш-даршнаили дучІес чеисулра. Илди дучІни нушани нушачи чеблибууб-си бетарахъулра. Илгъуна гІибадат Аллагълис бегІлара дигусили бетару-ли саби, сенкІун гъар мурталра гъар гІянрочІи ва бархІехъ бирули саби ил. Ил хІушаб гІурра ца гъатІи ахъси даража.

Хъарахъуд бирар

Аль-Исраъ валь-МигІрадж


Ражаб базла 26-ибил дуги-личивад 27-ибил бархІиличи Аллагъла Расул МигІраджличи арукибсири. Ит дуги МухІяммад идбаг ❁ КъягІабала мякъла кайхъунсири. Ил ахъси вявли чеваргъахІиб:

«Чеваргъи, усуси!». ХІулби абхъибхІели, Идбагли ❁ мала-икуни ЖабрагІил ва Мика-ил чебаиб жагати цІубати, мургъиличил ва жавгъар-духуриличил някъишдарибти палтарла бегІбиубти. Илдала

мякълаб жагаси, мурдавириси мицІираг тІашлири, нурана иртІуги дуклумира сабра. Ил Буракъ сабри.

Идбаг Буракъличи кайиб ва хІули къяпІла манзиллизив северличивяхІ ветаиб (Исраъ). Илди ца мерлаб тІашбизур ва ЖабрагІил малаикли Идбагли-зи дехІибала дарахъес амруба-риб ва илди ванзурби Мадина-ла дигъниличила багъахъур ва Сунени ила ХІижра (гечвирни) бирниличила буриб. Пур илди Тур-Синай дубурала мякълаб тІашбизур. Ил дубурличив Муса идбагличил ЧевяхІси Къудра-ла ВегІ гъайухъунсири. Ишав-ра Аллагъла Расулли дехІибала дариб ва Байт ЛахІмлизе (Виф-леем) ваиб, илав сайри Писа идбаг (гІ.с.) акІубси, Ишар-ра Идбагли дехІибала дариб. Пур ил Иерусалимлизе ваиб, Киласала дубураличи. Ишав Байтуль-Мукъаддас мижитлав Аллагъла Расул лебил идбаг-начил гъуниваиб, илди ургаб лебри ИбрагІим, Муса ва Писа (Аллагъла салам биаб чучи) ва илдачил жамагІятла дехІибала дариб сай имам виубли.

М и ж и т л а в а д дуравацІибхІели илини закла-бад ванзаличи гІяшбируси, нурли шалабариса ган-



зи чебаиб, ва итмадан или-чив зубрази ахъвиуб (аль-МигІрадж). Ил верхІдехІ Зубра-зи ваиб, гІур ил акІахъубти жан гъачамалра ахъІедиубти ахъдешличи ваиб.

Аль-Исраъ валь-МигІрадж ил нушала МухІяммадидбагли-чи ЧевяхІси Аллагъли бариса хасси уркІецІи, хІурмат саби. МигІраджлизир Идбаглизи дахъал мугІжизатуни, адамла гІякъуличил аргъес къиянти, илизи чедаахъиб адамтас чула баркъуддумачи цугли лугути

жазауни ва шабагъатуни. Аль-МигІраджлизивхІели Идбагли зубразибси КагІяба чебаиб, Гъалжана, Жагъаннаб, ГІярш, Курс ва дахъал цархІилти секІал чедаиб.

Гъар заклизиб илис идба-гуни цугбиркулри, сунечи саламличил дугъабилзути, гІур ил сегъуналра гъалабиз агарли Аллагъличил гъайухъ-унсири. Ил дуги сари Аллагъли бусурмантаци паризала шудехІ дехІибала дирахъес хъардарибти!



Гъаннала заманала урши ветаи!

Муридла школа

Дунъяла секлачи гьуцлехейкес

Тарикъатла гъуни буцибсили сунела урки дунъяличил барххлебасахъа, суненира мурт-биалра балтуси. Дунъя тядибарес чебиркур, иличи вирххерхули. Мургиличира тят ван-заличиван херикес хляжатбиркур, илдала ургабси деклардешра хлебирули, алавчарти адамтала дунъяличила пикруми чула ихтиярлизир датес багъандан. Дунъяла гъяхти сархес виркьуси биалли, дунъяла хура-ни вьлсахъа, илди сунечи гъямдиклар ва къацдиклар. Ил секлай пикруми цархил шайчи арху, замана буга, ва илхели Аллагъ валахъуси багъудила гъуйчив ил ташкалзан.

Абулкъасим Кушайри виклусири: «Дунъяла гъяхдешуначи хуликлусила Аллагъ вагъес мурад урки-уркилабадси ахен. Муридла ил баркьуди дебали убяхси саби, эгер илини дунъяла секла датурли, сарира дин-нис диргаладулхъути, гурра илдачи чарухъалли, ясирлизи викили.

Муридла рухлалашли агилис дунъяла гъяхдешунани илди лерли диалра, хедилалра сегуналра асар барес гъагъиса ахен. Илди дикахъес багъандан чичи-биалра дугъаилзули анцлехевкес чебси саби.

Аллагъла лагъли сунес къадарси напакъаличила ил бикибхели иргъуси сай. Ва Чевяхси Аллагъли сунела лагълис къадарли белкунси напакъа, чилилра кебасес яра чеббауцес вирхлейрар, хятта илала биштлси бутла булан. Ил багъандан иличила къакъаикес хляжатдеш агара.

Иш дунъяла напакъаличила хляжатуназив умцусини биалли, анцкъи-шишимала чямдиру. Дунъяла адамти сукъуртигъунти саби, някъбази се убикалра ил кайсути. Илдигъунта

биркьути тарикъатлис гъагъити ахен. Аллагълис гъабадат барахъес хелтути дунъяла секлайзивад гъарахъли уэн.

Хулби гъашдурцес

Муйли хъунул адамтачи, хъунри мурул адамтачи хербиркес гъагъити ахен. Гъарли-марли, илдала херани



игъуси ургиван уркилизи алтлуги сари ва адам каршу. Иштяхдешличил хербариса хер биалли, къаркъала бицлахъуси агъулича мешуси саби.

Абулкъасим Кушайрини бурни хлясибли, хъунул адамличил гъалмагъвикни ва илдачи гъуцли вирни муридлис беглар халаси гъала-

биз саби. Илдачила пикривиклалли, урки шайтанни бурцуси саби ва Аллагъличи диги дяхчиахъес хелта. Беглар вайси биалли ил баркьуди кам-хъашилизи халбирни саби.

Даражлумачи виъни

Муридла беклидиубти баркьудлу-

илизир тарикъатличи кибяхъандеш (мунапикъдеш) ва хаиндеш гъаргдирули сари. Масала, чили-биалра Кушайрила «Рисалютул Кушайри» яра «Аварифул маариф» диклуги жузи уркиличир дагъалли, илини илдала бухнабуцдун иргъу, амма Аллагъличи виахъуси гъуни (тарикъат) хлебала. Илгъуна адам гъуни чебиахъес (устаддеш) вехлехъалли, чилилра илизибад пайда кахлейсу.

Имам Шягърани виклуги сай: «Набчи мурталра ца адам вашулири, тарикъатлизи кайзес дигули, нуни биалли ил гела чарирулри. Беглар гьргъи илини набзи иб: «Нуни истихара барра ва дила уркили набзи хлезибад тарикъат касахъес гьеббуриб». Амма нуни ил къабулхерира, сенкун нуни балулри илис набзибад пайда хлебирни. Ил арякун ва цакамси замана дикибхели, сунечи муэрли-зив ца шайх вакли тарикъатличи бурсиварниличила ва устад виахъес хъарбарниличила угъес кайиб. Ил алав чуни секла хлебалуги, гъадатла адамти учибиркес бехлехъиб, илдазибад цацабехлти ишкъайда биклугри: «Иш шагъарлизив нушала ахенси, гур шайх агара». Къанбар шайхли биалли, ну шайхра или виклуси гъарли-марти шуйхрани кайсути даражлумазивад селра кахлесиб. Нуни чуйнаклал бурира илизи ил хлянчи батахъес, амма ил набчи лехлехейзур. Аллагъ чевверхаб сунечивад! Амин».

Шаригъят бузахъни

Муридлис чекайзурли Шаригъятла адабуни дузахъес хляжати саби. Илизи бахъалгъунти хатлабикили уббухъун, чунира исламличила камгъамти багъудлуми касибти. ►► 5

Зикру бирнича хасдешуни

«Зикру бирусилара хлебирусилара деклардеш мицирсилара вебкисиларагъуна саби» Хиядис.

Чевяхси Аллагъ гъануршнилис зикру биклар (дахълихъ-азкар), хъумартнилис – гъафла.

Аллагъ зумали гъануршни – Иличи дигила лишан саби. Расуллагъли иб: «Чис се дигахъалра, илини иличила имцали гъануршу». Аллагъли адамлича хъарбариб, Сай мурталра гъануршахъес.

Зикрли – Аллагъ зумали гъануршнили адамла урки рухла нядешлизибад (гъибат, бугътан, халаурхни, рияъ чебаахъес се-биалра бирни) умубиру, сапуй палтарван.

Зикрула хъулчиданси къадриничила дахъал хлядисунани бурули саби: «Аллагълис зикр беглар гъагъиса баркьудиличибра, мурги ва арц харждарниличибра, Аллагъла гъуйчив душманти кабушниличибра, Аллагъла гъуйчив сай кавшниличивра дигеси саби, илини (зикрули) Аллагъла гъалаб хлушала даража ахъиру». «Сай хлябла гъабтазивад верцахънилашал адамла цалра баркьуди зикруличибад чедибухъес хлебирар». Расуллагъли хъарбариб: «Царалти адамти хлушаб «мехлур» биклесли зикру биреная». Мискинтас сунела давла буртлусиличив, Аллагълис даим зикр бирус гъагъиса сай. Къуръайиб Аллагъли амрубариб: «Ну гъануршабая, Нуни хлушара гъандуршура». Хиядис къудсилизиб Аллагъли иб: «Нагагъ ил набчи ватихъалли, Ну иличи дуцлухъас». Зикру барни – Аллагъличивяхл вашни саби. Зикру бирутачила Аллагъли иб: «Наб зикру бирути Наб дигути саби. Илдала авидлизи чи ваклар, Ну иличивад чевурхус». Ху зикр бирниличивли чучивад Аллагъ чевурхутала къукъализив виэн.

Аллагълис зикрули Зикрулагъ биклар. Хиядесли бурни хлясибли, уркили (тлама дурахъеили) барисси

зикр тлама дураили белкунсиличиб 70-нали къиматла саби.

Гъалимтани зикр бирнича даражаби кадизахъур:

1. Уркили бутлакъандеш хедируси зикр (урки дунъякад къайцси, гъапулси, сьайси, чедихъартси).

2. Уркилизи гъаббиклуси, амма илаб минахлебируси зикр.

3. Уркилизи ункъли кагибси, урки бицлибси зикр (царал секла ила къайгъиличил ахли, сабил ахлебицлур).

4. Уркилизибад зикр арбъкъи, Аллагъдун калунси зикр, урки Аллагъ бетаурси, камилси зикр.

Гъайгъай, зикр хлябъэсил ва авъэсил даражаличир бирес хъарси саби. Сунела «Баракатла багъудлумала хазна» биклуси жузлизиб Сягид Афандини дехлибайчила, зикрличила ишкъайда белкун: «Зикр хлебирничи адам дехлибала хедирнилича ва вайти баркьуддумачи арку. Дехлибала дирусилис зикр бирес вецлани хляжати биалли, дехлибала хедирусилис ил хляжатдеш даршнали имцлси саби». (бяхл 77). Пикрлизи каса халаси гъалимла ва устазла гъай. Баягъи ил жузли 70 азирла зикруличила буриб: «Исламла гъалимтани чебаахъиб вебкисси бусурма рухлис 70 азирла зикр барнили халаси гъагъдеш биру или. Нагагъ чили-биалра гъамрулизиб сунени зикр баралли, яра ил вебкисхели царалли ил бурибси къадарла зикр дураберкларли, ил сабали вебкисси жагъаннаблизивад акъувалта». Идбагла хлядесли чебиахъули саби, нагагъ умуси уркиличил 70 азирла сунес зикр баралли, вебкисси жагъаннабла цализивад урцахъу или».

Амма зикрла цалра журали бусурман паризаби дурусли детурхахънилизивад акъухелта. Бурули

саби, Сай гъануршути адамти баргахъес Аллагъли хаста малайкуни декларбариб или.

Зикрли (пикрлизи каса):

- Вайти цакъани дянгуй.
- Аллагъу Тягъла разиру.
- Ризкъи имцлабиру.
- Хурмат халабиру.
- Нукъсандешуназивад дубдубли умуиру.
- Шутни-къунбазивад мяхкамиру.
- Уркила излуми арадиру (хлясаддеш, къаддеш, гъасабия, гъибат, бугътан ва ц.).
- Урехилизибад урки умубиру.
- Мунафикъдешлизивад мяхкамиру.
- Къаркъа арадеш ункъбиру.
- Уркилизибад Аллагъ ахенси дурайу ва ц.

Гъагъиса гъабтибад баклиси хлядслизиб бурили саби, «Субхляналлагъ», «Алхлямдулиллагъ», «Ля илагъа илля ллагъ», «Аллагъу акбар» Аллагъли чердиклибти дугъби сари или, ил багъандан «Субхляналлагъ» ибсилис 20 гъагъти баркьуди лукла ва илала 20 вайти баркьуди урису, «Аллагъу акбар» ибсилисра «Ля илагъа илля ллагъ» виклусилисра илгъуна савгъат гьеббуир, урки-уркикад «Алхлямдулиллагъ» рабил гъагъамин» ибсилис биалли 30 гъагъти баркьуди лукла ва 30 вайти баркьуди черису. Муслимличибад баклибси ил хлядсли вариантлизиб бурили саби, «Субхляналлагъ», «Аллагъу акбар» ибти дугъбани «зубралара ванзалара ургала бурцу» или.

Хлядслизиб бурили саби «адам гъагъисиличи гьирварнича, вайси бирнилизивад гелумизахъес бурибси ва Аллагъ гъануршнича ахенси царал гъай, адамли ахиратлизиб диргалабулхъан» или.

Дунъя биалли ахиратлис беллуси хъу саби. Сабухъ илаб бургу, бурчу.

Гъаннала заманала урши ветаи!

4 « Беркайзиб, палтарлизиб, баркъудлумазиб илди чус хялалдарибтала дазула дурабухъун, сабира ишкъяйда бикфули: «Лерил секлал Аллагъли нушаб дарибти сари!» или. Цацабехитани тавбу дирули ахлен, илди бикфули саби: «Нушани тавбу дарести, пашмандиести, баркъудлумазиб дирули ахленра». Илди селра хлебагъурли бубкфули саби. Цархилтани хярамбарибси секлал букули саби, чунира ирули саби: «Гъар секлал Аллагъла арилиур сари, Илала сари лерил секлал, ну биалли – Илала лагъ сайра. Лагъ виалли Аллагъла арилиур лерти секла укуси сай». Лерил илди детарути кибяхяндеш багъандан сари, чуни Шаригят батурхелели. Аллагъла къанунтачи бирхарути биалри, илдани илкъяйда барес хлебири.

Нафсла уряхлти хьулани

Рухлизиб дакфудулхъути уряхлти хьулани дялчес къайгъибарни дебали мягничебси саби, сенахленну вегла хуланас гъуни бедлуганна пикрумазиб умудеш хлебирар. Чевяхлси Аллагъли Дауд идбагълизи бурули Сай: «Я Дауд, хлела халкълизи хярамти хьуланазибад сахъли буахъес бура, гъарли-марли, чула хуланас «гъуни бедлугути» адамти Набчибад гъарахъти саби». Аллагъли Сунела лагъличи уркецли баресра вирар, Сунечи-вад ил гъарахълейрули, лагъли хярамхедарибти лазатуни кайсули виалра. Ил Аллагъла уркецли дакфубулхъули саби Итил дунъяла (Ахиратла) нигматуни лагъли иш дунъяличир гъаргдиъни-лизир, сарира баралра камхедиубли.

Гъарли-марли, Аллагъ вагъурти адамтани иш дунъяла нигматуни къабулхедариб, илди бунагълизи

халдарили, чус ггергъи лябкъутира чебхлебаллахъес багъандан. Чус глеббашантани барибси бунагъ чучира хлебаахъес багъандан.

Чеасибси бихлес

Муридлис Аллагълизи барес или чеасибси секлал барес, мурталра дарибти бунагъуначивад пашманви-рес чебси саби. Хья бихлес херни ил халаси бунагъ саби. Ил динна бутгализивад муртаддеш (динничивад къябкердни) дарнилизил халбируси саби, таманни дин бархъбатниличил левкуси, сенкун Идбагла хиядслизибра белкли саби бунагъуни – илди куфрула бехлбихъуд сари или.

Хъархлебарибси чехлейсес

Имам Абулкъасим викфусири: «Муридлис Аллагъли сунечи хъархлебарибси секлал бирис или Аллагълизи чеасес асухлебируси саби. Лагъли Шаригятла хьулчи хлебузахъни багъандан Аллагълизибад кумек хлебаклесра бирар. Марлирагу, Аллагъли Шаригятличил далдикибти баркъудлумазиб диру-силисун саби кумекбируси. Иличибли, лерил гяхлхедешуни – хъардарибти дузахънилизир сари, вайдешуни биалли – пикридарибтазир.

Умутуни (хьулани) камдарни

Муридла этикализил беклидиубтазибад ца саби умутуни камдарни. Пибадатлизив дебали чекай-зес ва Шаригятлиси къаршисилизибад мяхкамли уэс чебси саби. Гъарли-марли, духъанти гъаруличил хьуликфусини гяхлти баркъудлумазиб гурлис дарес или далта ва хярамти диру. Илала нафсли гъирви-

ру: «Хлела замана баибхелели, пашманвируд (тавба дирид) хлуни дарибти лерил бунагъуначивад, илдизивад умуравируд гъачамалра илди хедарибси къяйда. Марлирагу, бунагъуначивад пашманвиубси гъачамалра илди хедарибси гъуна сай». Илди нафсла къясдешуни беглара хиллакарти сари, илдани бахъал биргябиргу. Ишгъуна пикри лебси саби: «Мурид – гъаннала заманала урши сай». Ил я гъар-урла, я челябкъыла анцбукъуначил херикфуси ахлен, эгер ил челябкъыличила я ардякъунтачила пикривиклалли, гъаннала убкалахъес – асубирар.

Устадуни бикфули саби: «Хянгъи гурлис далтусини ишди гъамрулизиб зарал чебиу ва беглини уббалта (Ахират)».

Къисматличи хьулхейкни

Муридлис сунела лебси напакъаличи игъдибар бихъес гягълиси ахленну, Аллагъличи-цун умут бихъес гягълиси сай. Вегла нафсличил ургъес чараагарси саби, Аллагъличивад селилра чарварес хейруси агилизи викайчи. Илкъяйда ургъхергъусини тарикатлизиб селра кахлейсу.

Сайди Гяхлмад Рифаила гъайлизибад: «Селичи-биалра хьулвикфуси Аллагъ валнила даражаличи хейур; вегла нукъсандешуначила (жагъалтачила) хлебули берклибси замана, саби нукъсандеш саби; къисматличи хьулвикфуси цябдешли заманализибад нур (шала) билшахъу».

Гяли Мурсафи викфусири: «Муридуну ургав дехлибала дируси ва дунъяличила пикриикфусини вайси асар биру чужиб къуват камти муридуначи, ил багъандан ил бунагълизира виркур. Ил сабабли илис дехлиба хьуливад дуравхъес чебиркур».

Жамагъятличил дехлибала дарни

Жамагъятличил дехлибала дарни цякъси суннат саби.

(Хьунрасра). Шилизиб цабехитани биалра жамагъят барес чеббирар. Цабехлиалра хлебаралли, лебилра шила агълу бунагълизи биркур. Цайли дарибтачир жамагъятличил дарибти дехлиба 27-йнали дурхъати сари. Жамагъятличил дехлибала дарни – адамти бахъал биубцад дурхъаси саби. Жамагъят имамра ца маъмумра биалра бетарар (мижитлаб хлебиалра).

Имам – дехлиба дирухелели гъалав кайзурси сай. Маъмум – гелавад кайзурси сай.

Имамли салам бушили «Ассаламу гялайкум» или бегла ггергъиси хярп (мим) белчайчи маъмумли нийят барили валкъаалли, дехлиба жамагъятличил дарили вирар, жамагъятла керил (муз-ра) биур. Амма Идбагли ۞ или сай: «Имамли нийятла Аллагъу акбар ибси замана маъмумлира валкъааурли, геллахъехи нийят бигъи жамагъятлисил гевваъни, дунъяличибра, дунъялизибси гъар секлайчибра гяхлси саби» или.

Суненицун дехлиба дарибсилсра суннат бирар кинайсра жамагъятличил ихди дехлиба дарни. (жамагъят бирути леббиалли).

Жамагъятличи къаниубли кинайс вархикибсилчи чебли бирар:

Имамли се рукну бирули виаллира, суненира барни (рукнугличил виалли рукнуг биру, суждаличи виалли сужда биру). Имамли бируси хлебарили сунела дехлиба низам баралли, дехлиба дулъан.

Рахли имам рукнуглизивад ахъайчи сайра рукнуглизил имамличи гевваили ряхлтивиалли, таманни нийятра бигъи сайра, ил ракагъят

сунелара хисаббирар (Алхлям хлебелчаллира).

Имам рукнуглизивад ахъибхелели, яра ахъирухелели, яра цархил рукнулизив имамличи гевваалли, ил ракагъят хисабхлебиру, амма сунени имамли барибси бирес чебиркур. Имамли салам бушили ггергъи, гур ахъиубли сунела ахледаибти ракагъятуну диру.

Имамличил варх жамагъятличил левай, маъмум «Алхлям белчес бажардихлейубли имам гяшиалли, маъмум Алхлям таманбарили имамличи геввиур. Илис хябал рукнула гелавхъес асубирар.

Маъмумлис хяжатли саби

1. Нийят барни. Масала: «Нуни нийят барира дакъа авал ракагъятла дехлиба имамлис гелавад (яра жамагъятличил варх) фариза бархъаэс. Аллагъ багъандан, Аллагъу акбар» или. Имамли имамдешличи нийят хлебараллира маъмумтала жамагъят бетарар (жумягъла дехлиба ахленти). Амма имамлис хяжатбиркур жамагъятла керил (муз) сунесра биахъес багъандан ишкъяйда нийят барес:


«Нуни нийят барира дакъа авал ракагъят дехлиба ну имам виубли фариза бархъаэс. Аллагъ багъандан, Аллагъу акбар».

2. Къяшла къячуби хясибли имамличив гъалав хейъни.

3. Имамла шишгъала дални (чейули, яра чейуси чейули).

4. Имамлара сунелара урга гъалабизурси хлебъни (чиргъунси).

5. Имамличив клел рукнуличив имцали геллахъехъни (гузру агарли). Гузру леббиалли, 3-рукнула геллахъес асубирар (Алхлям белчнигъунси). Имамличил варх вашни карагъат саби нийятлизи



ахленси. Имамличил варх нийят бигъалли, дехлиба дулъан. Имамличив гъалавикни хярам саби, амма дехлиба хледулъан, салам бушилизи-вив ахленси. Саламлизив гъалавикалли, дехлиба дулъан (хатлахлейкалли). Хатлахкалли, имамли бушили ггергъи кинайсра буршу. Хярамли бигъни балули, къас-къасли, клел рукнула къадар гъалавикалли, дехлиба дулъан.

Дурхъасигъуна, имамли рукну барили таманбиубхелели, маъмумли бехлбихъни саби.

Имамли виэс хялалси, гилму имцаси лайкъси сай, гур дусми имцаси, гур насаб гяхлси, гур палтар умуси, гур тлама жагаси. Амма виштасилис, лагълис, пасикълис гелабадра жамагъят бирар.

Гумар асхябли (р.г.) сунезирад жамагъятличил хедарили цадехл дехлиба дурхъанхелели 100 азир бируси ванза садакъа барили сай. Имам Гяхлмадла мазгъаблизибра жамагъят личил дарх дехлибала дирни чебхлбарили саби.

Нуша бархъси гъуникаг дџаба!

1 « Шаладикиб. Биштласи ши кьанси замана баайчи тамтамла тџамалиуб булхъулри. Гъанна ил чебсаргъули саби. Зибкъназибти хленкџулабани, дядла тџамалиур мицџирагла хленкџу дуки гъунирдалтули сари... (Подстрочный перевод Кейта Фодаба, Гвинея, «Рассвет над Африкой»).

Ишди нуни белчџунси «Африкала поэзия» бикџуси жузлизиратди тугъани алавчарти аги-къяйда чеди-ахъулри. Сен дџагаурал набра итди цџуба палтарла бегџти, гџанручџла дехџибайчи кьанбирути адамтачил варх укъес, чунира Аллагъ багъандан чула гъанкџичила хъумартурти...

Гъанна конференция таманбиухџели, ну дџла арилизибри. Цаибилгъуна наб барес хъулухъунси – мџитла укъни ва бусурмантачил гъайухъни сабри. Наб тамашабилзулри нуни бучџуси жузлизибад ахџи бусурмантала ва христиантала жалтачила, гъарли-марли бусурмантала гџамру, илдала тџабигџят, илди севан булгулил чебаэс.


2005-ибил дџуслизив ну Исламла Республика Ираннизи вякъунсири, илис гџергъи ну гъатџиралра Ислам баркџес или гъирвиубсири. Гъанна наб илгъуна имкан бакџилри.

Африкала хъалч

Пергъисе бархџи нуни гџахџядешлис марси Кения батурли Танзаниялизи ваира. Танзанияла биштласи шагъар Моши, ну сунезив леввиубси «Килиманджарола тахшагъар» или бикџар. Илабад саби бегџлара халаси Цџудара дубураличи аркуси гъуни бехџбирхъуси, сунесра «Африкала хъалч» или ирусси. Ну кибси микроавтобус шагъарла байлабси мџитла мякџлаб тџашбизур.

– Садаира, дурадџухъеная! – иб шофџерли.

Хъуцџрумачи декџси тавра гџелаахъили шагъарлизиб дуги беркџеси мерличила пикриухъунра. Селигџив умцџусирав ну – ит мџит тџашли! Айцџулра мџитла азбарлизи ва цџукибси африканецџлизи хъарбиулра:



Африкала мџитла минарет

– Ну урус архџяликъяна сайра.
– Наб ишдуги ишаб дуги беркџес асубирару?
– Хџу бусурман сайрив?
– Ахџенра, ну христианин сайра, – бархџли бури-ра нуни.

– Бархџли бурасли, нушани бусурмантас саби дуги беркџахъес мер беддугуси. Биалра, укъенну имам варга, ил индиец сай, хъарбаа илизи, велики пурбан дуга.

Ну индиецличи мешуси адам варгес или умцџерухъунра ва жагъси уршиличи къаршисайкира, ил имамла дурхџя уилри. Ил набчи лехџахъили, наб кумекбарес чеасиб. Илини ну гъарцати къакъурбикад, сарира нясдешли дицџибти, чинарил арукира. Нуша цџа биштласи кафеличи дакџира. Илаб бахъал чџайли бужути адамти кабиилри.

– Ишав тџашизи, – иб уршили, – ил нуни иша левкис.

Ил гџурра дакџуухъайчи гъал минут ардџакъун.

– Ил ишав агара. Хџебалас ил чинав саял. Мџитла ваки бархџехъ. Цџябдиайчи хџевъили дуги беркџес цархџил мер баргес укъес къасбарира. Азбарла вакџибхџели нуни бухџнабси юртџлизиб цџа биштласи хъали чебаира, илаб бананти ицџули чумал хъунул адам лџбри, столла мякџла кайили укънаси мурул – берцџибси бялихъличил биринжџли укули.

– Ассаламу гџялайкум! Хџушала иша кайэс асубирару! Ну имам вакџайчи хџерсира, дуги беркџес мерла чебкад хъарбаэс дџугулра.

Ухънази къабуддеш иргъахъули бекџ гъакџбариб ва бемхурли барибси креслоличи кайахъес живарира. Хъунри урузбиуб ва хъули абацџиб.

Лукъман

Бара уки, ну мџитла азбарлизи дураухъунра ва илав къунзухъес къасбарира. Илав нуни цџа гъатџи цџубаси жагъилси урши чеваира, гџярабличи мешути дџахџла вегџ, къакъла гџелаахъибси таврара сайра, ил цџа адамличил варх баягъи ит укъначил сакџубли селичилрил ихџилатџлизи ахъилри. Илдачи гъамвиубхџели, нуни аргъира ил жагъси архџяликъянасра наб къяйда дуги беркџеси мер гџягџили биъниличила. Илизира укъна набзи къяйда имамлизи хъарбаэс, ил вакџайчи хџерли уэс гџягџили биъниличила угъулри. Нуша гџурра ит хъули гъунирдатурра ва илар имам вакџайчи хџерли дуахъес хъарбариб.

– Владислав, – някъ гъабатурра нуни.

– Лукъман, – иб уршили.

Лукъманни сай полицейский виъниличила буриб, Англиялизиб узули сай ва илав хџерирули сай, гъанна илини цџа базла отпуск касили дунгъа чебаэс или архџялизи дураухъунсири. Гъанна бусягџят ил Дар ас-Саламлизивад саибсири, гџур Найробилизи, илавад Мъянмализир, гџур Сингапурлизивад викили Мексикализи арцес къасбарилри. Гъайла къантџа, уршила отпуск бухџнабуцџлашал тамашабизесири. Дар ас-Саламлис гъалав ил Занзибар островличи вякъири, остров илис дебали гџахџбизурлири.

Хџу матгъал кайсес вируд

Нуша гъайдикџули лерли, нушаб тянишси укъна айзурли, чинарадрил умхънира касили сайра сунес гџеларад дукъяхъес жидарира. Илини нуша цџа хъули адацџахъира. Илар кџел кроватьра, биштласи столра, вентиляторра ахџи, гџур селра аги. Простыньти касили укънани халати тџярхъубачилти бурушунни кџапџдариб. Гџур илини нуша дура ардукира ва Лукъманничи дугъаизурли хъарбаиб: «Муслим?» – итини биалли къабуддеш иргъахъули бекџ гъакџбариб. «Кристиан?» (христианин) – суал набчи хасбарибсири. Нунира бекџ гъакџбарира. Лукъманничи шурухъи укънани иб: «Хџезирад дугелис хџябал азир шиллинг». Лукъманни итмадан дейгџи пилани ва къянкъмукани чедарибти арц гъаладуцџиб; «Хџу биалли, матгъал кайсес вируд!» – илгъуна жавабличи ну хџерли ахџенри...

Лукъманра уркџавхъни багъеслири. Ухънани гџур селра хџеили дураухъун. Нушани биалли нушала ваяхџ дурасили кадирхъес алавдухъунра.


Наб гъаннара тамашабилзули саби ит мџитлав узуси укънала баркџуди. Нушани балуливан имам дакџухџевхъун: хџебиалли сен нушаб илини дуги беркџахъес ихџияр гџиба?

Гџурра наб сен багъа агарли ибсив? Лерил илди аги-къяйда наб аргъес къяиндилзулри ва тамашадилзулри.

Балгала гъав

Мерладиубли гџергъи нуша хџерикунни беркес

или кафелизи ардџакъунра, гџур мџитла чардухъунра, сенкџун дехџибала замана чебабулри. Бусурмантани наб гџахџли гџахџядеш дарни багъандан нура хъулиб хџевъибли дехџибайчи мџитла укъес къасбарира. Или биубхџели наб гъатџиралра Исламла гъавла вяхъес жузазиради энциклопедияла информациябазивад ахџи гъарли-марли, дџла хџулбачил чебиули дџагаур. Чидил-дџага динна



Лукъман, Англиялизивадси бусурман, танзанияла мџитла мякџлаб

гъав биалли – балгала (дехџибала) гъав саби. Хасџира илхџели сайри хџуни иргъуси илди адамтала уркџила гъардеш. Ухџна ацџили ну лацџла бяхџла мякџла тџашизурра ва илав тџашкайзурли уира лерил дехџибала тамандиайчи. Дехџибала дарили тамандиубхџели, Лукъман ну чеили разидешличил тамашавиуб. Иличил дарх нуша мџитларад азбарла дурадџухъунра дабри касес или. Нуни илизи ну дазала дџирахъес бурсиварахъес или тџиладибарира. Илини набзи дазала «вуду» дархџли секъяйда дирес гџягџнитил чедаахъиб, гџур дехџибалара.

«Пишагъла» – дугелила дехџиба замана баибхџели, ну Лукъманничил мџитла арякъунра. Хџебалас, селирил ну гъирварибси, амма нуни дазала дарили англичанинничил тџашкайзурра. Ил гъинжвяхъиб. Нуша тџашдизурра имам вакџайчи – баягъи ит индияланничи мешуси. «Альхџамду лиллагъи раббил гџяламин...» – вехџихъиб имам... нуни дахъал хџергъути дугъби лерри, амма имамлис гџергъи, илкъяйда ахъ-гџяшвирули, лерил секџал тџикрардарира.

Уркџилизиб паргъатдешличил ну мџитлавад африкалан ванаси гъаваличи дураухъунра. Гъанна набчил бџаурси, бурес хџейэси аги сабри. Христиантала пикри хџясибли – нуни халаси бунагъ барилри, сенахџенну нуни цархџил динна адамтачил гџибадат барилри. Нуни биалли бунагъла декџдеш, я нуни халаси бунагъ барибсиван чебиули ахџенри. Гъатџиралра, ургџеи набзиб халаси, бурес хџейэси кункдеш акџублири. Нуни балгала дугъби хџергъули виалра, нуни балуливан улгулри ну, Чевяхџси Аллагълизи ну Бархъдешла гъуйчи кахъес тџиладивикџулри...

Хъарахъуд бирар...


Ца гежба азир адамлис

Нушала Мухъяммад Идбагис ﷺ Аллагъли дахъал мугъжизатуни дедиб. Илдани илис гъарли-марси дин адамтаци баахъес кумекбусири. Мухъяммад Идбагла ﷺ мугъжизатуна бусурман ахенти адамтаци халаси асар бирусири, хятта илдани Ислам дин къабулбирутири.

Бусурмантани чедаибхъели илди мугъжизатуни, илди чула бирхаудилизиб (иман) гъатира чумабирутири. Гъай-гъай илгъуна мурадличил Аллагъла ихтияр хясибли, Илини кабизахъурси замана лебил Идбагунала мугъжизатуни кадиркутири. Мугъжизат – ил Идбагдешла чеблибулси лишан саби. Мухъяммад Идбагла мугъжизатуназибад цаличила бурехъе нушанира гъанна! Иш анцъубукъ кабикисири Хандакълизибси дяв бехъихъес камси замана гъалаб. Мадиализиб лебилра дявличи хядурбикълри. Бусурмантани абзур бурхъни дявличис хандакъуни икъулри. Ванза икъантала ца группа ца чумаси къаркъаличи бархъибзур, сабира лебси мерличибад шишбарес хейруси. Иличила Мухъяммад идбаглизис багъахъур. Ил татауллизи ухъна кацъиб ва газачил къаркъализи бяхъиб, ил бутла-бутлали бехъуб.

Илди бурхъназиб бусурмантас селра беркеси аги, ил багъандан илди хъебукули гушбирутири. Нушала Идбагра гушвирусири. Илхъелира илцадра гушвирусири, канилиу къаркъа билгъусири, гушдешла изала бишахъес багъандан. Ил секъл ца асхъябли сунесра Джабир бикълуси, хясиббариб. Пур се бетаурал, сай Джабирлизибад балехъе: «Нуни гъачамалра Идбаг ﷺ илкъяйда чеваибси ахъенри. Гушвиубдешли илини канилизи къаркъа бигъири. Илхъели нуни Идбаглизибад ﷺ ихтияр сасили хъули арякъунра.

– Нушала се-биалра беркеси лебу? – хъарбаира нуни хъунуйзи.



–Цакамти анкъи ва ца гежба, – иб илини.

Нуни итмадан гежба белгъунра. Хъунуй анкъи делкъун ва бизиси къацъи берцъес или алаврухъун. Нуни гежбала дий дибгъанбарилли шангла абушира белхъахъес.

Лерил секъл хядурдарилли садаэс замана баибхъели, нуни ира:

– Хъунул! Ну аркъяс Идбаг ﷺ живирис.

– Херикъен гъари, бахъал адамти макид. Идбагла ﷺ гъалар ну цахмарираба – беркеси лебтасалра хъебиур! – иб набзи хъунуй.

Татаултала мерличи вакъили ну Идбагличи дугъаизурра: «Я Аллагъла Расул! Нушала хъулиб цакамси беркала теб. Ху ва гурра чумал адам хъерикуну беркахъес жидирулра».

– Сецад беркала тебу хушала? – хъарбаиб Идбагли ﷺ.

– Гежбала дий ва къацъи.

– Дебали гъахъси саби! Хъунуйзи бура ну вакъайчи цаличибад шанг ухъесехъес ва пичлабад къацъи дурахъесехъес!

Илхъели Идбаг ﷺ лебил бузугачи дугъаизур: «Эй, адамти! Джабирли нуша хъерикуйчи жидирулра. Даширая дарх дакъес дигути!» Ну къакъавакъидешли уцъарвиубра. Ну дуцъли хъули арякъунра.

– Я Аллагъ! Хъармабиид хъунул, чум адам лябкъулил нушачи! Нушачи азир адам лябкъули саби!

– Нуникълун хъези ира! – къакъаракъиб хъунул – Секъяйда балхехъе гъанна илди нушани!?

– Нуни лерил секъл нуша вягъдаладиубливан дарра, Идбаг живарра, цархъилти биалли илини жибариб.

– Аллагъла Расулли хъарбаибу нушала сецад беркеси лебал?

– Ге, хъарбаиб.

Илди дугъби дакибхъели дила хъунул паргъатриуб: «Гъу, хъебиалли къакъавикъес гъягъили ахъен!»

Аллагъла Расул Джабирличи вакъибхъели, илини Чевяхъси Къудратла Вегълизи дугъя бариб, столличиб беркеси бахъбаахъес ва шангличи гъамиуб. Илини дийла бутъни къацъла кесекуначи кадирахъес кайиб ва юлдашунас (асхъябтас) икрамдирес вехъихъиб. Илкъяйда илини лебил азир адам белкъайчи тикрарбариб. Шангла бухънабси рурхъулри ва таманхъебирулри, къацъра илкъяйда пичлаб лебалри. Ахирличив Идбаг ﷺ набчи дугъаизур: «Джабир! Иш шанглизиб баарила беркала леб. Дукеная хушара ва унрубасра бутъая – алавчар бахъал гушти леб».

ГУМАЙ

Хочбар, Мяхъяч ва Дахада

Хочбар: Ассаламу гъялайкум, гъалмагъуни!

Мяхъяч: Вагъялайкум ассалам, Хочбар!

Дахада: Вагъялайкум ассалам!

Мяхъяч: Агъ, чебаирав се бетаурал? Лебгъеб хъялизибад бухъигу, дай хъерела замана итгъуна урши кавшили!

Дахада: Ге, хъебурадли гъахъси саби, бетаурсиличила гъар пикриухъун чуйна уркъи изесбирхули саби.

Хочбар: Хушаб чи сай или гъанбиркулив илди лерилра къяйканала гъела ташкайзурси?

Дахада: Илди чис гъягъинилли, илини балули сай илдала умачи бикайчи чи саял илдала гъелавси, амма нушаб иличибли алкъуси кункъдеш агара, нуша мурталраван абдалтази халдарилли, чула къянала хабуртачил диргъядиргулра.

Хочбар: Тамаша саби, динна вагъзачиби, имамти селичибли диргалабулхъулив хукуматлис, илдикълун даршудешличи цала ца хурумат бирахъес жибикълутири?

Мяхъяч: Чула динниче чекабизурдешличил диргалабулхъули саби. Ислам – иличиб саби илди гъакъсиртала гъела ташкабизурти урухълуги.

Дахада: Дин – ил халкъла гъямрула хуълчи саби, хукуматли биалли халкъ, илдала гъямру, ряхъятси ва талихъебси аги далтахъес, низам-къяйда кадилзахъес гъягъиниси саби. Бурес вирар: илди цализирад ца декларли дуэс хъедирар, хукуматлис дин гъягъинили саби, диннис – хукумат. Дебаси хуълчи хъебиалли, белшундеш гъягъикабарар.

Мяхъяч: Илдани чехъебаибу Советхукумат, сунелара дебаси хуълчи агар-

си ва ишгъуна жи хуълчилибуцибси: «Дин – халкъла душман» саби ибси, ахирра ахир сен пашбехъубал?

Дахада: Дагъистайзиб Ислам гъалабяхъи арбукъни ибси саби адамтала гъямрулизирад лерил зараллати секъл тйидидарни – ил вайсив гъатли? Сен чи-биалра иличи къаршиси?

Хочбар: Халкъли гъарли-мартисла кыматуни дяркълри, зараллати, вайти бухъя-зегъаличилти жагъилти адамти хъебири, чунира арадешлис заралласи гъахъяри гъямру дуркълуги, алав зулму ва вайдеш гъинтълдирули.

Мяхъяч: Лебтанилра балуси саби, революция кабизурси дусмазиб сецад гъялимти пяхълибетахъахъибтирил, хяттаилдиселизибкъалгъяйиблабегъти хъебиубли хълли. Илкъяйда давлачебти адамтира пяхълибетахъахъибтири, кулакуну или чус ирули. Илди гъязаблизиб арбукълун. Бусурмантани илди ишбархъира хъумхъертугли саби, балгни дучълли саби, илди гъанбиркахъули.

Къацъи багъандан хъякимтала гъалаб гъахълабирули, илдас къуллукъбирули чекистуну ва илди такъсиртала цархъилти бутлакъланчиби, чучиб гъяйиб агарти адамтачиб зулму барилли, халауркълбиубли букълрира ахъдуцили сабра башугири, хъякимдешли белкъи. Чинаба гъанна илди аллагъагарти, калуна илдазивад цалра мицълрили, илдала къисмат сегъунав?

Хочбар: Бебкъа – ил къапу сари, илабад гъябидуну Алжанализи абицълуги, бунагъкарти – жагъаннаблизис. Жагъаннаб – ил даимси туснакъ саби аллагъагартас. Духуси адам гъачамалра туснакълизи хъейкесли хъерирар.



Мяхъяч: Бикълли саби, жагъилси адам хъерирули ули сай, суненира я Аллагъ, я дин хъедалуси. Гъар дуги илини гъанайу пистолет кабирхъули ули сай, Газраиллис (бебкъала малаик) игъес багъандан, эгер ил дакъуухъалли. Гъачам ил вебкълли варгиб. Жагъси адамла ил хасиятличила балуси унрани ил хъабрази архули чеибхъели, илис гъелабад иб: «Агъ, харабатла урши! Дуги хатъавикиб ургар!»

Дахада: Дила пикри хъясибли, хукумат ва дин кълливантачи мешути сари, ца букъбуи, цархъил абилкъес, балхес асукъебирар. Ца чебяхъбаралли, цархъилра чебяхъбирар, илди цаличи ца хъархъерти сари.

Хочбар: Бархъси саби, хукуматлис дин гъягъинили саби, диннис хукумат.

Дахада: илди кълра орган мур-

талра цугдикили адамтас гъахъдешлис дузалри, илхъели Дагъистайзир низамкъяйда кадилзи.

Мяхъяч: Вацълурбази башесра гъягъинидеш хъебири дурхънас.

Хочбар: Хъед се или гъанбиркулив, вацълурбазиб жагъилти сабу гъарлимарли?

Мяхъяч: Гъанбиркули саби, саби или. Гъарибти дурхънала бекъла мехъла абдалдарилли, саби кеп-чеклизис кабибли саби Кавказлизис низамагардеш пайдалабарилли.

Дахада: Аллагълизи тиладибирехъе Дагъистайзиб даршудеш биахъес, гур се саби нушани барес дируси?

Гъа, азан, даширая мижитла аркъехъе.

**Ихтилат белкълунси
Гусман Халилов**

Ну хъунуйчил дус гълав декларвикара, нушала рурси лер, илис нешличил херриэс дигули сари, амма нешли дехлибала дирули ахлен. Ну урухжултра, дила рурсилира дехлибала хедире или. Рурси аррукес набзиб ихтияр лебу?

Дехлибала хедирни – ил халати бунагуназибад ца саби. Дехлибала хедирани, ва амма илди дирес гягнители сарни инкархедиреуси, ил фасикъ (бунагъкар) сай, дехлибала дирес черти сарни инкардируси, ил капур сай (дин агарси). Дехлибала хедиреуси нешли Шаригят хясибли кьайгимдеш (херуди бирни) дарахъес ихтияр хелуга, ил багъандан дудешлизиб ихтияр леб дурхлини арбукес, хятта дурхлинас нешличил калес дигули биалра. («Фатава ибну Зияд»).

Къуръайзир чум аят лертив?

Къуръайзир 6666 аят лерти сари. Илдазирадли 1000 аят, чузибра се-биалра амрубируси (барахъес), 1000 аят, чузибра се-биалра къадагъабируси, 1000 аят жазабличила (танбихл) махбирути, 1000 аят деклар-декларти анцбукулумачила бурути, 1000 аят мисалти леркути, 500 аят хялалсилечила ва хярамсилечила, 100 аят чузирра тасбихл ва тахлим лерти, 60 аят урдирхъути ва урдыхъибти. («Тафсируль Са'ляби»).

Хябрази удатурти галгубала цедеш дукес асубиару?

Асубиар, амма цедеш дицалли гяхси саби, ва дикибти арц хябри ункъдарнилис харждиру. Мижитла ванзаличир удатурти лерил секлал яра цархил мераначирти ва мижитлис хасдарибти, мижитла мулк сари ва илди вегла мурадунас пайдаладарес асухебирар. Цедеш яра цархил духълуми дицили ва дикибти арц мижитлис гягнитити хяжатунас харждарес чебси саби. Эгер мижитла ванзаличиб гинцла галга убатурли биалли ва ил бусурмантас или убатурси биалли, яра иличила секлал хебалули биалли, бусурмантас илди цедеш пайдаладарес, деркес асубиар. («Ианату ат-Талибин»).



Нушала шилизиб буркьа мижитла мерлаб сагаси барили саби. Буркьа мижитлизирад дахъал лушутти материалти кали сари. Илди материалтачил се барес вирара?

Эгер нушани якъинни балули диахелли, сагаси мижитлис илди материалти гягнитидиркни сари заядиайчи, илди мяхкамдарес чебиркур ил мижитлис дагаладиахъес. Амма илди гягнитидиркни якъинни балули биалли, илди лушутти материалти (секлал) цархил мижитлис дедес асубиар, илди дицес гъеч асухебирар. Сегъуна-дигара мас биаб мижитла, лушутти секлал диаб, кьалтинти диаб ва цархилти секлал мижитлис гурлис гягнитидиркути, дагаладирути я дицес я цархил мижитлис дедес асухебирар. Эгер ил маслизибад (хазнализибад) сегъуналра пайда агара биалли, масала, дуркъдиубти, заядиубти кьалтинти ва ц., илди дицес асубиар, ва дикибти арцлис илди гъунти сагати секлал асес гягнитиси саби. Масала, дуркъди кьалтинти дицалли, сагати кьалтинти асес, эскидиубти улкъайти дицалли, сагати ису ва илкьайда цархилти секлалра. Амма бицибси гъуна секлал асес цакъ, имкан хебиалли, яра мижитлис илди хяжатли хедидалли, арц мижитла цархилти хяжатунас харждиру. («Фатхуль-Муин»).

Хурматла Ассаламла бучантани, апрель базлизиб дурабухъунси газетала авъибил номерлизиб, МяхИяммад Даудовли нушала корреспондентлис лугуси «Нушала беклибиубси гъуна мурад-Аллагъ разиварнилизиб саби» биклуси интервьюлизиб нушала гяйибличибли сунечи пикри бяхичеаеси хатла кабикахъили урдухъунра. Ил хатла Дахадаевла районна Хуршнила шилизибси мижит агниличила ва ил клублис бедниличила сабри. Гъарли-марли ил шилизиб мижит лебли буили саби ва ил клублис хебедили буили саби. Иличила шила адамтали тасдикъирули саби. Хуршнила шила халкълизи нушани барибси хатличирад чердерхахъес тиладибирулра. Кабикибси анцбукулумачила тасдикъирули саби Чевяхси Аллагъла ахленси таманти кагидеш ва чебетаибдеш хедирни.

Исламлис гяхидеш (пайда) лебли биалли, вегли вегл кавшес асубирусив вагъабистунани кьайда?

Адамли сунени сай варгвердахъили хъалли, Исламлис илизибад сегъуналра пайда агара ва илкьайда барес асубирусив ахлен. Илдини сунени сай каршули сай ва секлал гяйиб агарти адамти кабурушули сай. Чевяхси Аллагъ Къуръаннизив виклули сай (мягйна): «Хушани хуша камадуршудая, дукмадулгъадая, гъарли-марли, Аллагъ хушачи уркецичевси Сай». Имам Балахи виклули сай: «Иш аятлизиб адамли сунези сай кавшниличичи къадагъа леб-цархилличи гъимикъядеш багъандан яра адамлис вайхели». Цархилти гялимти биклули саби аятлизиб адамти цализи ца кабурушахъес къадагъабирули саби или. Бурибсилезибад чебиулра бусурман адамлизиб сунени сай кавшес, я цархилти кабурушес ихтияр агара. Абу-Хурайризибад ал-Бухарили ва Муслимли лебкуси хядислизиб бурули саби: «Чили сунени сай мегъла гягнияхъалайчил кавшалра, жагъаннаблизибра ил гягнияхъалайчил сунела канилизи гягъибалта. Чили сунени сай агъула бержили кавшалра, жагъаннаблизивра ил агъули ужахъули инжитвиру. Чили сунени сай ахъдешличивад гягъухъи кавшалра, жагъаннаблизивра ахъдешличивад гягъулхъахъули инжитвиру». Ибн Кассирли тафсирилизиб хядис лебкули сай: «Чи виалра сунени сай селичил биалра кавшибси, Аллагъли ил сунени сай кавшибси секлайчил танбихлавиру». Илкьайда Идбагъли иб: «Ца адамла дяхлизиб хяна буили саби. Илдини ил багъандан сунела някъ къисбарили сай ва дахъал хли ардыкъи вебкили сай. Илис гьегъи Чевяхси Аллагъли буриб: «Дила лагъ къалабаикиб, сунени сай кавшили. Нуни илис Гъалжана къадагъабирулра». Ислам – ил низам ва кьайда лебтачилра чедитиуси дин саби, лебил адамтала гямуру ва хурматкъимат хлекъли дихляхъес тлалабируси дин

саби. Аллагъ Къуръаннизив виклули Сай (мягйна): «Диннизиб гуждеш (гужли секлал барни) агара».

Исламли чилра селра гужли барахъес живирули ахлен. Динна гялимти цабиубли саби дяви агарси, даршуси заманализив чилра кавшес асухебируси саби ибси пикрилизиб. Лебил чули саби кабурушанти, чунира дархъти багъудлумала гягъалра хебагъурти адамти саби. Илди гякълу агарти саби, сабира Исламла душмантани чус буцибти умматла цадеш, цабалгундеш тлутубиахъес багъандан. Аллагъли Къуръаннизиб амрубирули Сай (мягйна): «Секлал балути адамтази хъарбиэная, хушани хебалули диадалли». Къуръанна амрулис гьегъи вашес гягнитиси сай, веглис гъандиркутас гьегъи хешули. Идбагъли гъазавагъли аркъути булан хъарбируси вири хъунри, биштлати, чула гьибадат бируси мер-мусаличибти цархил динна муйли кахебуршахъес. Ишбархли чула саби баргуданти, илди шагъидуни ахлен, илди биргъабиргибти адамти саби. Чус гьелабад цакъани лерти, чулара беклибиубси гъуна мурад – бусурманти тлутубарес илдала цадеш буэс ибси. Аллагъли илди бархъси гъуйчи баклахъаб!

Илди тимкълизи бикибти жагъилтази Идбагъла хядис гъанбикахъес дигулра: «Чили алра: «Ла илагъа илла лагъ» или, илини сунела гямуру дерцахъибси сай. (илала гямуру керасес чизибквал ихтияр агара ибси саби)». Ишбархилизиб машгъурти Саудовская Гярабияла гялимтани булан, лебил дуньяла гялимтачила гъайра хедикхеле, вегли вегл варгвердахъес ва цархилти адамти кабурушес хайри хебирниличила фатва лугули саби, сецад илди бусурманти хебиалра. Илди баргбердуни багъандан ишбархли адамти диннизибад урухжули саби. Аллагъли илди лебтазилра саби бархъси гъуйчиб хебиъниличила аргъахъаб ва илис гьегъи бархъдеш чебаахъаб! Амин. («Ибн кассир», «Сахихуль Бухари», «Муслим»).

Дугели мижитлаб шала хебишахъи батес асубиару?

Гябду Ссаламла ва цархилти гялимтала пикри хясибли, дугели лампочка ухахъули батес асубирули саби, мижитла хурматлис багъандан. Илдала пикри хясибли ил барес асубиар, мижитлаб шаладикайчи чилра хейалра. Амма ар-Равза биклуси жузлизиб бурули саби, мижитлав чилра хейалли, ил барес (лампочка акахъес) асухебирар (хярам) или. («Фатхуль Муин»).

Нушала шилизир хябразир дахъал дерубти галгуби лер. Илдачила се барес вирара?

Эгер галга дягъли хячмачил барх къяббарили яра бячи биалли, ил урцул кьайдали бирцу ва дикибти арц бусурмантала хяжатунас делгъа, амма хябрас дегъалли гяхси саби. Эгер галга берули, амма ванзаличиб тлашли буули биалли, ил къицхлебарили балта, хябрачи вакъибсилес дягъли кьайда багалабиахъес. («Фатхуль Муин»).

Дазала агарли хъаткначил Къуръан касес яра буцес асубиару?

Дазала агарли Къуръанничичи гъамвиэс, ил буцес гъеч асухебирар. Имам Шафигла мазгъаб хясибли дазала агарли Къуръан буцес къадагъабируси саби, сецад хуни хъаткни чегъадра яра Къуръан къачализи, яра селизи-биалра бергадра. Амма Хянапи мазгъаб хясибли асубирули саби («Фатхуль Аллям»).

Рузнама

Июль

| дни | Утрений Ас-Субхл. | восх. | Обеден. Аз-Зугър | После-обеден. Аль-гласр | Вечерн. Аль-Магъриб | Ночной Аль-гъишаъ |
|-----|----------------------|-------|---------------------|----------------------------|------------------------|----------------------|
| 1 | 2.53 | 5.15 | 12.53 | 16.56 | 20.34 | 22.33 |
| 2 | 2.53 | 5.15 | 12.53 | 16.56 | 20.34 | 22.33 |
| 4 | 2.55 | 5.16 | 12.53 | 16.56 | 20.33 | 21.31 |
| 6 | 2.58 | 5.18 | 12.54 | 16.57 | 20.32 | 22.30 |
| 8 | 3.01 | 5.18 | 12.54 | 16.57 | 20.31 | 22.29 |
| 10 | 3.03 | 5.20 | 12.55 | 16.57 | 20.30 | 22.28 |
| 12 | 3.06 | 5.21 | 12.55 | 16.57 | 20.29 | 22.26 |
| 14 | 3.09 | 5.22 | 12.55 | 16.56 | 20.28 | 22.24 |
| 16 | 3.11 | 5.24 | 12.55 | 16.56 | 20.26 | 22.22 |
| 18 | 3.14 | 5.26 | 12.55 | 16.56 | 20.25 | 22.20 |
| 20 | 3.17 | 5.27 | 12.55 | 16.56 | 20.23 | 22.16 |
| 22 | 3.19 | 5.29 | 12.55 | 16.55 | 20.23 | 22.14 |
| 24 | 3.23 | 5.31 | 12.55 | 16.55 | 20.21 | 22.10 |
| 26 | 3.26 | 5.32 | 12.55 | 16.54 | 20.20 | 22.07 |
| 28 | 3.30 | 5.34 | 12.55 | 16.53 | 20.18 | 22.03 |
| 30 | 3.34 | 5.36 | 12.55 | 16.53 | 20.15 | 22.00 |